

大寧縣志卷之八

藝文集

記 說 序 告文 傳 誌銘 賦 詩

詞

文所以載道也而茲以藝名者何太上立德其次立功其次立言文者言之類以視德與功則末矣然人不一倫事不同類故文之用殊而體亦異焉學士家咀嚼膏液採掇英華或簡言以達理或博文以該情隨風珠玉落紙雲烟詎非文之化成天下而與立德

大功並垂不朽乎或曰寧之於天下何啻萬分之一
而乃以藝文見不幾誣乎不知文從心生而運之以
才與學識則人人殊焉要必原本理道不失聖賢之
大旨則幾矣况葑菲必採芻蕘不棄古有之矣觀之
者寧無作葑菲芻蕘想乎

記類

修縣學記

元續執中

臨汾人
甲科

夫子之道揭若日月繼天地立民極亘萬世而不能窮宜其所在崇奉無間海內外凡有民有社者致敬惟謹今皇帝嗣位之初詔天下府州縣邑以修完廟學爲首務不踰歲自京師至荒服舊未有廟者相次而舉馮大寧介河山間土壤雄碩風俗勤儉自既復縣治迨十年更數政官廨驛傳廊閭民第乃稍稍就理而所謂義禮之宮弦誦講讀之音揖讓進退之儀

戴白之老有弗見者春秋釋奠猶掃地而祭歲乙未
修武校尉侯君自陽城移尹茲縣下車顧廟謁無所
大懼教基久墜曷副朝廷崇儒重道之意乃力圖興
創一日偕同僚行城之東北隅得故燼餘地南北四
十舉武東西二十五舉武輦糞壤屏櫛翳相方面勢
外垣中基藏材庀工立正殿五間繚楹層簷矢棘輦
飛一準大邦君之居輪奐峻潔神足以宇左右像顏
孟十哲配享於中前爲應門絀直相望俶於元貞二
年春落於大德元年秋會八月上丁君合僚吏盛服

執笏奉牲用帛入祭於廟燔燎輝煌金石鏘鳴瑚簋
布列降酌登獻拜跽應度士庶來瞻慶悅相屬釋然
煥然耳目爲之一新蓋長民者欲民之爲賢爲智鄉
方敦化捨先聖之教何以哉故善牖民者必先立其
本使人有所觀感日修月省淪肌治髓予焉而祇父
訓幼齔而勤長率磨揉遷革奮興勉勵異時邑中長
材秀民輩出孰謂不自建廟之功始君諱侯長子人
信厚而尚文將刻石以功之有補者告後君子來謁
辭遂喜而爲之書

曹仙媪廟記

元郝季隆

大德元年歲次丁酉之夏余啣高唐王命奉使西秦
路經大寧之馬關關吏孫貴以山水潦漲渡不可易
有難色僕亦惴焉遂駐宿於關之司舍孫貴告予
以曹仙婆之事昔有老媪携幼女引一犬息於大柳
之下左挈鐵鞋跟皆穿右握鐵杖滑如玉見水工艤
舟謂曰可渡我水工曰媪携幼女與犬抑何所由來
也媪答曰我從天根頭來水工曰若自渡余不能渡
也媪笑曰噫遂携幼女引犬徑進凌波平步翩翩若

御風已達岸矣岸西之人皆稽首呼吸已爲仙人也
媼遂登東岸石龕居民舊昔連甍接棟百餘家皆目
見其所以羣犬吠而隨之既登龕一無所聞隨視之
老媼幼女已杳寂矣犬已化矣一境大駭媼宋時人
也歷金時故老居人連壁闔界嗟稱不容口關下耆
舊長歎如此仙蹟無以傳世良可傷也孫貴肆奮然
有願命工載塑法身成像懇求於予欲槩翠琰予以
爲以代傳代亦世之異人也抑昔之水仙也皆不得
而知之境民目今有疾禱於神龕紙空裏卽有藥焉

服之立愈是以覈其實而筆之遂爲之詞曰異人之
幻變兮不可尋常而拘求倏忽俯仰然有化兮若身
翰而赴蓬洲曰升翠龕跼蹐而示寂兮抑御八極汗
漫而神遊仙風寥寥歷世而不朽兮亦天地之數有
所去留元元惻惻心祈以療疾兮痼疾樂而無憂仙
之名自晦而世愈傳兮若山之古今不可泯仙之跡
欲韜而人愈顯兮若水之晝夜東流

修廟學記

明薛

瑄

河津人
諡文清

大寧縣在西漢時爲北屈縣屬河東郡今爲隰州屬
邑其地僻在河山之間土皆磽瘠戶僅十里前之爲
邑者惟租賦簿書期會是急漫不留意於學政以故
學舍歲久浸凌於風雨悉皆穿陋圯壞且無士子退
室而師因以弛其教士因以荒於嬉大無以副國
家崇教之意天順三年知縣王溥主簿梁宏乃儲積
材木用度既具遂集匠役即學撤諸屋之敝者大而
新之堂凡若干楹齋凡若干楹皆高敞宏廣可以考

業於其中是年四月適山西右叅政楊璿行部至縣
謁廟又重修櫺星門學門及士子退室三十間廩宇
十八間學舍大小由是悉皆完整訓導劉翹具其興
役訖事本末求文刻石以記之余惟唐虞三代之學
其盛不可尚已自洙泗鄒孟之教微而道失其傳至
暴秦焚儒書禁儒語殄儒生儒教既廢秦遂以亡雖
漢興數十年猶以黃老為治而於唐虞三代之學政
莫之興舉武帝雖曰表章六經罷黜百家置博士弟
子員而無其本明帝唐太宗養老立學之具雖可觀

而無其實至宋道學諸君子講明隆古學校教人之
法雖極詳備而不得行於當時是蓋將有待也洪惟
天朝列聖相承建極於上立學於下自京師延及遐
壤絃歌之聲相聞學政之本末具舉蓋將遠追隆古
彼漢唐之侈虛文者奚足比擬哉今大寧雖極僻陋
而學校教法與通都大邑無以異其學舍未備與敝
漏者大叅概有以成其後縣尹又有以成其前將見
有成效而可副國家崇學之意矣是可書也於是乎
書

大寧縣志卷之八

職官題名碑記

明蔡天祿

通州人
邑正堂

明有天下二百餘載矣府州縣咸有題名記而大寧縣獨缺者何也豈其蒞茲土者爲政之善弗欲其名以播之於後與抑亦行政之非恐人指其名而議其失與均之二者皆私也蓋天理之公不容泯人心之神不可欺去思深刻並書於吏撫后虐譬民何心哉然則題名之記雖缺爲宰善惡安知不記於民心又安知其不書於國史但人心之記世遠則忘國史之書亦未可必由此觀之題名之記誠縣之不可缺者

也雖然前之為宰者漫無可考後之爲宰者尚有可
記縣之人觀其記指其名則曰某也政善某也政惡
公道昭然是亦史也宰是邑者可弗畏哉